

PRIJEDLOG

Na osnovu Odluke o izmjeni Odluke o izvršavanju Budžeta Općine Kladanj za 2026. godinu („Službeni glasnik Općine Kladanj“, broj: 3/26), člana 20. Odluke o izvršavanju budžeta Općine Kladanj za 2026. godinu („Službeni glasnik Općine Kladanj“, broj: 10/25), Budžeta Općine Kladanj za 2026. godinu („Službeni glasnik Općine Kladanj“, broj: 10/25) Općinski načelnik, objavljuje

JAVNI POZIV za podnošenje aplikacija i projektnih prijedloga za dodjelu sredstava iz Budžeta Općine Kladanj za 2026. godinu sa pozicije „Transfer za sport“

I PREDMET JAVNOG POZIVA

Predmet Javnog za podnošenje aplikacija i projektnih prijedloga za dodjelu sredstava iz Budžeta Općine Kladanj za 2026. godinu sa pozicije „Transfer za sport“ u ukupnom iznosu od 46.500,00 KM

Javni poziv se raspisuje u cilju finansiranja i sufinansiranja programa rada i aktivnosti u oblasti sporta kao i za realizaciju ciljeva Strategije za mlade Općine Kladanj za period 2024.-2027. godina:

Strateški cilj 2. Jačanje održive zdravstvene zaštite i društvene infrastrukture

Prioritet 2.2. Promocija socijalne integracije i poticanje aktivizma mladih

Mjera 2.2.2. Podrška projektima razvoja sporta, kulture i omladinskog aktivizma

II PRAVO UČEŠĆA

Pravo učešća na Javnom pozivu imaju:

- Sportski savez općine Kladanj
- Članice Sportskog saveza općine Kladanj

III NAMJENA SREDSTAVA

Sredstva će se dodijeliti srazmjerno broju ostvarenih bodova

Dodijeljena sredstva mogu se koristiti za:

- projekte razvoja sporta (organizaciju takmičenja i sportskih manifestacija)
- realizaciju redovnih programskih aktivnosti klubova i Saveza (organizaciju i realizaciju treninga,
- troškove stručnog rada (treneri, edukacija i sl.)
- razvoj omladinskih kategorija
- nabavku sportske opreme
- druge aktivnosti koje uključuju invalidna lica i doprinose razvoju sporta na području općine Kladanj

IV KRITERIJI ZA DODJELU SREDSTAVA

Bodovanje će se vršiti na osnovu sljedećih kriterija:

1. Broj registrovanih članova

- za članice do 10 registrovanih članova	5
- za članice od 10 do 30 registrovanih članova	10
- za članice od 30 do 50 registrovanih članova	15
- za članice od 50 do 70 registrovanih članova	20
- za članice sa preko 70 registrovanih članova	25
- za Sportski savez (SS)	25
2. Postotak djece i omladine ukupnog broja registrovanih članova

- za SS i članice u čijem je sastavu do 10 % djece i omladine	5
- za SS i članice od 10 do 30 % djece i omladine	10
- za SS i članice od 30 do 50 % djece i omladine	15
- za SS i članice od 50 do 70 % djece i omladine	20
- za SS i članice sa preko 70 % djece i omladine	25

3. Takmičarski rang

Dužina takmičarskog kalendara u takmičarskoj godini

- od 1 do 2 mjeseca 5 bodova
- od 2 do 4 mjeseca 10 bodova
- od 4 do 6 mjeseci 15 bodova
- preko 6 mjeseci 20 bodova

4. Obezbijeđen stručni kadar	10
5. Kontinuitet projekta/aktivnosti	10
6. Uključenost osoba sa invaliditetom	10
7. Aktivnosti će se provoditi na području općine Kladanj	10
8. Aktivnosti će imati pozitivan učinak na lokalnu zajednicu	5
9. Jasno definisane ciljne grupe	5
10. Očekivani rezultati koji su mjerljivi, realni i ostvarivi	5
11. Dostavljeni takmičarski kalendari za 2026. godinu	5

V USLOVI

- da imaju sjedište na području općine Kladanj
- da su članovi Sportskog saveza općine Kladanj
- da su registrovani u skladu sa zakonom i da obavljaju djelatnost najmanje jednu godinu
- da su izmirile svoje obaveze po osnovu poreza i obaveznih doprinosa
- da imaju aktivan transakcijski račun u banci,
- da se na lica ovlaštena za zastupanje ne odnosi član 66. Zakona o sportu (Prečišćen tekst) ("Službene novine TK", broj:11/21)
- da su opravdale namjenski utrošak ranije dodjeljenih sredstava od Općine Kladanj
- da za predloženi projekat/program nisu dobili sredstva sa drugih budžetskih pozicija Budžeta Tuzlanskog kantona u 2026. godini,
- da se projekat realizuje u 2026. godini, s tim da se manifestacije izbora sportiste za 2026. godinu mogu održati najkasnije do kraja januara 2027.godine,
- **da se projekti/programi sportskih organizacija koje se takmiče u ligaškom i/ili kup sistemu takmičenja odnose na proljetnu polusezonu i/ili jesenju polusezonu 2026 godine,**

VI POTREBNA DOKUMENTACIJA

Aplikanti su dužni dostaviti:

1. Popunjeni ovjeren Aplikacijski obrazac
2. Dokaz o članstvu u Sportskom savezu općine Kladanj
3. Rješenje o registraciji (kopija)
4. Aktuelni izvod iz Registra udruženja koji se vodi kod Ministarstva pravosuđa i uprave TK
5. Uvjerenje o poreskoj registraciji
6. Uvjerenje/potvrda o uredno izmirenim obavezama
7. Program rada za 2026. godinu
8. Potvrda Sportskog saveza Tuzlanskog kantona o članstvu
9. Potvrda banke u kojoj je navedeno da račun nije blokiran
10. Broj transakcijskog računa
11. Ovjerena izjava ovlaštenog lica Sportskog saveza općine Kladanj, odnosno članice Sportskog saveza općine Kladanj da se na lica ovlaštena za zastupanje ne odnosi član 66. Zakona o sportu (Prečišćen tekst) ("Službene novine TK", broj:11/21)
12. Uvjerenje Službe za budžet, finansije i poduzetništvo da su opravdali namjenski utrošak ranije dodjeljenih sredstava od Općine Kladanj
13. Ovjerena izjava ovlaštenog lica Sportskog saveza općine Kladanj, odnosno članice Sportskog saveza općine Kladanj da se projekat realizuje u 2026. godini, odnosno da će se manifestacija izbora sportiste za 2026. godinu održati najkasnije do kraja januara 2027.godine,

14. **Ovjerena izjava ovlaštenog lica da se projekti/programi sportskih organizacija koje se takmiče u ligaškom i/ili kup sistemu takmičenja odnose na proljetnu polusezonu i/ili jesenju polusezonu 2026 godine,**
15. **Ovjerena izjava ovlaštenog lica Sportskog saveza općine Kladanj, odnosno članice Sportskog saveza općine Kladanj o broju registrovanih članova sa upisanim postotkom djece i omladine u odnosu na ukupan broj registrovanih članova i broju osoba sa invaliditetom,**
16. **Spisak članova ovjeren od ovlaštenog lica Sportskog saveza općine Kladanj, odnosno članice Sportskog saveza općine Kladanj**
17. **Ovjerena izjava ovlaštenog lica Sportskog saveza općine Kladanj, odnosno članice Sportskog saveza općine Kladanj o obezbijeđenom stručnom kadru sa upisanim osnovnim podacima.**
18. **Kao dokaz kontinuiteta realizacije projekta mogu se dostaviti potvrde o realiziranim projektima izdatim od strane finansijera, isprintani objavljeni članci i slično**
19. **Takmičarski kalendar ovjeren od granskog saveza u kojem se klub takmiči.**

Dokumenti koji se prilažu uz prijavu za oglaš moraju biti originali ili ovjerene kopije.

VII NAČIN I ROK PODNOŠENJA PRIJAVA

Rok za podnošenje prijave je 15 dana od dana objave Javnog poziva na web stranici Općine Kladanj.

Nepotpune i neblagovremene prijave neće se razmatrati.

Prijavu sa potrebnim dokumentima treba dostaviti lično ili preporučeno poštom na adresu: **Općina Kladanj - Služba za društvene djelatnosti, opću upravu i poslove boračko-invalidske zaštite, Kladanjske brigade br.2. 75280 Kladanj** sa naznakom: „**Javni poziv za dodjelu sredstava – Transfer za sport 2026**“ **“NE OTVARATI”**.

VIII POSTUPAK ODABIRA

Postupak ocjene i odabira prijava izvršit će Komisija imenovana od strane Općinskog načelnika koja broji 3 (tri) člana od kojih je jedan finansijski službenik i jedan stručnjak iz oblasti sporta.

Član komisije ne može biti lice koje je na bilo koji način povezano kao član, zaposlenik, trener ili rukovodilac Sportskog saveza općine Kladanj ili bilo koje njene članice.

Preliminarna rang-lista, uz saglasnost Općinskog načelnika, bit će objavljena na zvaničnoj web stranici i oglasnoj ploči Općine Kladanj.

Prigovor se podnosi Općinskom načelniku u roku od 8 (osam) dana od dana donošenja Odluke o dodjeli sredstava po ovom Javnom pozivu.

Odluka o dodjeli sredstava bit će objavljena na zvaničnoj web stranici i oglasnoj ploči Općine Kladanj.

IX ZAVRŠNE ODREDBE

Korisnici sredstava dužni su dodijeljena sredstva koristiti namjenski i dostaviti izvještaj o utrošku sredstava najkasnije 30 dana nakon realizacije projekta.

OPĆINA KLADANJ
OPĆINSKI NAČELNIK
Broj: 02-11-1390-1/26
Kladanj, 20.08. 2026. godine



